

Broj: 01-07-07/2-14-2-2006

Datum: 10.8. 2016. godine

Na osnovu člana 22. Zakona o unutrašnjim poslovima Federacije Bosne i Hercegovine („Službene novine Federacije BiH“, broj 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, broj 39/14), federalni ministar unutrašnjih poslova **donosi**

ODLUKU

o dodjeli ugovora za nabavku arhivskih stalaža

I

Na osnovu čl. 64. stav (1) tačka b), 69. stav (1) tačka a), 70. i 89. Zakona o javnim nabavkama Bosne i Hercegovine („Službeni glasnik BiH“, broj 39/14) i na osnovu Odluke o pokretanju postupka za nabavku arhivskih stalaža putem Konkurentskog zahtjeva za dostavu ponuda, broj: 01-06-06/3-14-2-983 od 28. 6. 2016. godine, dodjeljuje se ugovor za nabavku arhivskih stalaža.

II

Ugovor za nabavku arhivskih stalaža dodjeljuje se ponuđaču „DEFTER“, d.o.o. Sarajevo, koji je dostavio ponudu sa najnižom cijenom u iznosu od 6.922,89 KM, sa popustom i PDV-om, i koja ispunjava sve uslove predviđene Konkurentskim zahtjevom.

III

Obavezuje se Sektor za materijalno - finansijske poslove Federalnog ministarstva unutrašnjih poslova, da shodno Zakonu o javnim nabavkama BiH, pripremi sve potrebne akte za sklapanje ugovora sa ponuđačem „DEFTER“, d.o.o. Sarajevo.

O b r a z l o ž e n j e

Komisija za provođenje postupaka nabavke svih roba, usluga i radova za 2016. godinu putem konkurentskog zahtjeva za potrebe Federalnog ministarstva unutrašnjih poslova - Federalnog ministarstva unutarnjih poslova, formirana Rješenjem federalnog ministra unutrašnjih poslova, broj: 01-07-07/2-14-2-2006 od 2. 11. 2015. godine, provela je postupak po Konkurentskom zahtjevu za dostavu ponuda za nabavku arhivskih stalaža, objavljenom na portalu Javnih nabavki, broj: 405-7-1-33-3-26/16 od 13. 7. 2016. godine. Tom prilikom izvršila je razmatranje, analizu i ocjenu tri blagovremeno prispjele ponude ponuđača: 1. „LOVIĆ&CO“ d.o.o., Lukavac, ukupna ponuđena cijena sa PDV-om i popustom iznosi 12.810,91 KM; 2. „ADUT PLUS“ d.o.o., Banja Luka, ukupna ponuđena cijena sa PDV-om i popustom iznosi 8.956,94 KM; 3. „DEFTER“, d.o.o. Sarajevo, ukupna ponuđena cijena sa PDV-om i popustom iznosi 6.922,89 KM.

Nakon ispitivanja, Komisija je utvrdila da su ponude ponuđača „ADUT PLUS“ d.o.o., Banja Luka i „DEFTER“, d.o.o. Sarajevo prihvatljive, jer sadrže sve tražene dokumente, dok ponuda ponuđača „LOVIĆ&CO“ d.o.o., Lukavac nije prihvatljiva jer ne sadrži izjašnjenje/izjavu da li namjerava dio ugovora podugovaranjem prenijeti na treće strane, poglavlje e) tačka 2), Tenderske dokumentacije.

Komisija je uzela u obzir i tačku 5) Tenderske dokumentacije, koja se odnosi na primjenu preferencijalnog tretmana domaćeg (ponuđači su dostavili izjave da podliježu, „ADUT PLUS“ d.o.o., Banja Luka, odnosno ne podliježu „DEFTER“, d.o.o. Sarajevo, primjeni preferencijalnog tretmana).

S obzirom da je jedini kriterij za dodjelu ugovora najniža cijena, Komisija je dostavila Izvještaj s prijedlogom sklapanja Ugovora sa ponuđačem „DEFTER“ d.o.o., Sarajevo, koji je dostavio prihvatljivu ponudu sa najnižom cijenom u iznosu od 6.922,89 KM.

Shodno navedenom a vođen Izvještajem o radu Komisije i preporukom o dodjeli Ugovora, Ugovorni organ je odlučio kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka.



MINISTAR
Aljoša Čampara

Dostaviti:

1. Ponuđaču,
 2. Sektoru za mat.-fin. poslove FMUP-a,
 3. Kabinetu ministra - Odsjek za odnose sa javnošću
(za potrebe objave na internetskoj strani FMUP-a – Ugovornog organa),
 4. U spis,
 5. a/a.
- DŽĆ/DŽĆ

FMUP-ODL